

January 1931

## 和平縣城磚

Zhongqin HUANG

Follow this and additional works at: [https://commons.ln.edu.hk/ljcs\\_1929](https://commons.ln.edu.hk/ljcs_1929)



Part of the [Chinese Studies Commons](#)

---

### Recommended Citation

黃仲琴(1931)。和平縣城磚。《嶺南學報》，2(4)，76-77。檢自：[http://commons.ln.edu.hk/ljcs\\_1929/vol2/iss4/3](http://commons.ln.edu.hk/ljcs_1929/vol2/iss4/3)

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.


## 和 平 縣 城 磚

黃 仲 琴

右磚二方，其一：面長建初尺一尺四寸，濶七寸，厚四寸五分，識曰：「永固城磚」，筆法似顏平原；其一：面長建初尺一尺三寸，濶六寸五分，厚四寸，識曰：「壬子城磚，萬年永固」，筆法似趙吳興；文皆在左側，製造均精，爲民國十六年，福建平和縣拆城所得。

考明史，卷一九五，王守仁傳，「守仁正德(武宗年號，)十一年(公曆一五一六，)八月，巡撫兩贛。時南中盜賊蜂起，謝志山據橫水左溪桶岡，池仲容據淵頭，皆稱王。明年，給守仁旗牌，提督軍務，得便宜從事。十月，志山降，設崇義縣於橫水，控諸獠；又明年，戮仲容，破上中下三淵，於下淵，立平和縣，置戍而歸；自是境內大定」。事在平宸濠及斷籐峽之前，是爲平和設縣之始。

又考清康熙間，所修福建平和縣志，平和縣城，爲正德十四年，知漳平縣，徐鳳歧所建，至神宗萬曆三十九年，知縣李一鳳，添建窩舖。是平和初次建城，在立縣之後一年，徐令築造，必秉承文成之意旨可知，此有永固城磚之文者，當爲正德間物，由此可想見當時建設之畧，令人動景仰先賢之心。其有壬子八字者，當爲李一鳳時物。惟考壬子，爲萬曆之四十年，而志作三十九年者，豈就議添建之時而言？抑修志時，磚未發現，無從證實耶？





民國十七年，作者在泉州，得嘉定（南宋甯宗年號，）三年，修城官磚。檢泉州府志，則云：修城爲嘉定四年，事遲一載，殆先製磚，而後築城，此則志載添築之時，先於製磚，非見此磚，何以證其失，是此磚固不得與漢晉間物比，亦地方重要史料，非徒供玩賞而已也。

二一，一二，三。